



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XLIV. Prodigiosa Gedeonis victoria.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

per tempora transfactō , terræ caput affigit. Hoc HABET. Adversus injustam tyrannorum vim, dolō iustō pugnatum est, clavusque ( quod in adagijs fertur ) clavō pulsus. Supervenienti deinde Baraco Duci, Tragædiam actam, dimotō sipariō, per compendium Jahel aperit: eumque, quem is tot laboribus, per montes, vallésque quæsisset hostem, monstrat in plano jacentem, & quasi per otium infelici sempiternoque somno stratum. Ita virago generosa, verborum nullâ jactantiâ, factō nudō probavit; prophetidem docuisse vincere: Baracum vicisse; se verò, victoriam, in corpore Sifaræ defixo trophæo, coronavisse.

NARRATIO XLIV.

INAVDITA GEDEONIS DE MADIANITIS

VICTORIA

Judic. 6. 7. A. Mundi 2768. Ante Ch. 1285.

**E**Uripo similes fuere Iudæi, fluebant & refluebant. Jam DEum, jam Deos colebant, toties bello castigandi, quoties emendandi. Post Debboræ, Baracique mortem, gens Hebræa more suo ad sacrilegam Deorum superstitionem est revoluta, erectis Jovi Belo passim aris, lucis simulacris. Offensus populi perfidiâ DEus, instrumentum vindictæ facillimum reperit, & immisit è propinquo Madianitas, Ammonitas, Moabitas, Amalecitas, ac cæteros ad Orientem incolentes populos; qui transito Jordane, maxima peditum, equitum



rum , jumentorum assumpta multitudine , brevi omnem Hebræorum regionem , sui juris fecerunt , impunè cuncta ferentes , agentesque.

Ibat calamitas hæc in orbem , ac redibat ; cum simul ac frugum ac vinearum maturitas anniversaria revertisset , reverterentur & hostes : demissisque vitæ subsidiis , & oleo , vinoque collectis , cætera camelorum & hominum equorumque pedibus proculcarent. Ita locustis & numero similes , & ingluvie , campis ac collibus evastatis , unde venerant eodem revolabant. Cum interim mortalium omnium timidissimi , ( robur quippe animorum , cum DEI veri cultu amiserant ) rerum domini ; delitescentes in speluncis ac scopulis , & sylvarum editiorum recessibus ad sui dispoliationem ne hircere quidem auderent. Denique defessi tot vastitatis malis , septenniò continuatis , serò tandem , ac seriis cum lacrimis amicitiam ac favorem ambire institerunt Numinis , cujus toties antè cultum proculcaverunt. Post aliquantum temporis , ubi DEO visum est , haud ultrà differendas esse suppeticas , coelo demissus Angelus ( *Michaël* fuisse creditur ) juvenilem induit speciem , baculumque gestans viatorum , *Gedeonem* in torculari suburbano excutiendò fortè & repurgandò frumentò occupatum , humaniter allocutus , virum *fortissimum* compellando , salvere iussit , spem & animum concipere meliorem rebus afflictis , quippe qui populi dirè vexati futurus esset *Liberator*. Cunctantem , tergiversantemque , confirmat tergeminò cœlestium operum ostentò. Nam & prandium ( carnes erant hœdinæ cum azymis panibus ) apportatum à Gedeone sibi , superque scopu-



lum vicinum, appositum, baculi supremi contactu  
vertit in sacrificium: erumpente de saxo, subitâ flam-  
mâ, cibosque confumente.

Tum præter hæc Gedeon, & vellus ovillum in  
area subdiali, duabus continuis expansum noctibus;  
conditionibus mutatis, alterâ quidem *rosidum* in-  
venit, omni circumquaque reliquo campo retinen-  
te siccitatem; alterâ verò, *Siccum* sustulit; terrâ ali-  
quâ cunctâ rore tinctâ. Sed inter hæc Gedeon,  
priusquam cum Madianitis manus confereret; bel-  
lum simulacris Deorum inferre iussus, expugnan-  
di principium ab Idolis patris sui *Ioasi* sumpsit.  
Horum aram, nocturni temporis usus commodiate,  
subvertit: nemus aræ circumpositum, decem ser-  
vorum adjutus operâ, succidit. E diverso autem,  
super eandem petram illam, in cuius vertice pro-  
digiosa flamma cibos in sacrificium atque cinerem,  
converterat, Aram Numini vero suscitavit. In  
ea patris sui tauros duos immolat; freudentibus  
quidem, cum patre, domesticis: & ad necem de-  
poscentibus autorem facinoris oppidanis, *Ephraim*  
inhabitantibus; quippe qui diluculo stratum Ido-  
lum, eversam Baalis aram, excisum lucum, & bo-  
vem alterum super altari novo semiustum invenif-  
sent. Sed nihil indignatione sua proficiebant; nam  
qui superstitionis illius stragem Gedeoni mandârat,  
Deus, idem & ora, minasque querulorum, injecto  
mentibus eorum metu, compescebat, ne quam ei  
vim adferrent.

Igitur & oderant eum pariter, & verebantur  
Ephraei cives; donec tempus incidit, cuius iniqui-  
tate per Gedeonem fortiter expediti, vertere me-



tum in amorem, odium in virtutis admirationem  
 coeperunt. Id tempus, belli fuit Madianitici; mo-  
 re suo recurrentibus in Palæstinam evastatoribus  
 illius, populis trans Jordanem amnem colentibus.  
 Centum ac triginta millia bellatorum erant, ex om-  
 nium barbarorum delectu conglobata. Ductores  
 suorum quisque populorum, & agminum, *Orebus*  
 ac *Zebus*, reguli Madianitidis: & *Zébeas*, *Salmansârque*,  
 gentis ejusdem Principes, sed nomine, dig-  
 nitatèque regali præ cæteris eminebant. Gedeon  
 evulgatò velleris prodigiò, tanquam omine victo-  
 riæ secundo, Hebræorum triginta duo millia con-  
 traxit, quos latè circum *Aradi* fontis crepidinem  
 collocavit: diverso tamen in expectationem præ-  
 lij, animorum habitu comparatos.

Displicuit DEO, qui gaudet in paucis ostendere  
 potentiæ suæ vim, tot millium accincta multitudo;  
 Qui propterea Gedeoni præcepit, ut per universa  
 castra circummisso præcone, trepidis, & animi flu-  
 ctuantibus, militiam remitteret, eosque Sacra-  
 mentò relaxaret. Qua discessionis copià cunctis  
 factâ, castris, excessère viginti duo millia militum,  
 quos Gedeoni submiserant *Gaditæ*, Regionis Galaa-  
 ditidis, transamnanæ incolæ. Post discessum Ga-  
 laaditarum, cum decem sola millia Gedeoni super-  
 essent, quæ centum ac triginta hostium millibus  
 opponerentur, & jam hæc ipsa paucitas, nimia Deo  
 visa, redigi jubetur ad numerum multò contractio-  
 rem. Experimentum autem, quinam Madianitis  
 delendis idonei, capitur è diverso bibendi (quis  
 non admiraretur?) ritu. Ducuntur, quo tempo-  
 re cæli calor corpora militum, ac sitim imprimis accen-



accenderat, sub meridiem, ad Aradum fontem un-  
 niverſi. Plerorūque tam effrānis bibendi cu-  
 piditas fuit, ut poplitibus inflexis, & in fontem ore,  
 corporēque toto proni, frigidam intemperanter  
 haurirent. Trecentorum verò ſolorum ea fuit ſitis  
 ſedandæ moderatio, ut hauſtam volâ fontanam ap-  
 plicantes ori, canina potiùs conſuetudine lambere,  
 quàm more boum glutire deprehenderentur. Et  
 hos trecentos ſolos pronuntiavit DEus, uſui ſibi,  
 Gedeonique futuros ad victoriam patrādam.

Dimiſſis ergo reliquīs. id ſolum ab eis belli ſub-  
 ſidium poſtulavit Imperator, ut retentis ad incer-  
 ta periculorum armis, partem uſenſilium, lagenas  
 fictiles, tædas cerâ compactas, cornicinum tubas  
 ſibi relinquerent. Id quod ab eis, nullo negotio,  
 impetravit. Copiam facularum ac hydriarum na-  
 ctus, ſingulas ſingulis, è trecentis ſuis, cum tubis  
 corneis ferendas dedit; quos inſuper animavit omi-  
 ne, quod clam de nocte captavit cum armigero ſuo  
 Phara; proximus enim ſtationibus hoſtium au-  
 diit narrari ſomnium à quodam excubitorum de  
 maſſa panis hordeacei è monte *Gelbonæo* in caſtra Ma-  
 dianitarum, devoluta, cum ſtrage tabernaculi præ-  
 toriani, cujus ruinâ hoſtilis exercitus clades, fuga,  
 interitus portendebatur.

Cum eo quem dixi manipulo, in tres centurias di-  
 viſo, de nocte adverſus hoſtem proſectus eſt; omiſ-  
 ſis, ut imperatum erat, gladiis, ſuam quolibet lage-  
 nam Semiapertam, cum face flagrante, manu læva:  
 tubam altera manu capiente, ac præeunte Gedeone,  
 Qui nocte intempeſta, diſpoſitis tribus circa hoſti-  
 um caſtra, à lateribus tergoque centuriis, ubi ſilen-  
 tium



tium passim altum, & tam suorum quàm hostium quietem immotam Dux animadvertit, primus ipse buccinâ pro fronte castrorum, classicum inchoat, & obliquè, luridèque rutilantem ex hydria facem, Madianitis obvertit. Sequuntur vestigiò temporis trecenti, per omnem castrorum ambitum, tubis horrendùm clangentes: tædas semitectas hostilibus oculis ingerentes; ac vocibus indefessis tumultuando, *Gladium Domini*, *Gladiumque Gedeonis* ingeminantes. Excitati re subita Madianitæ, cum densas inter tenebras, maligno tamen undique lumine tabernaculis intermicante, nemini de Gedeone pugnam aufuro, veniret in mentem: instantibus sine fine, modòque tubis, clamoribus, tædis; nulla non castrorum parte, tanquam ad formidabiles hostium copias, ex Arabia erumpentes, trepidabatur. Semisomnes igitur, semique nudi discurrunt; pars ad arma, jumentaque; pars ad imperia capienda; quæ tamen nemo dabat; nemo, si darentur, præ tumultuoso tubarum sonitu, audiebat. Plerique quidnam agerent, aut omitterent incerti, nec stare sustinebant, nec fugam expediebant, non cessantibus inter hæc Hebræis formidinem barbarorum augere: præter ululatum tubarum, concussionemque luminum, ac minaces conclamationes, etiam lagenas inter se mutuò complodentibus, non sine rauco è testis sonitu, & auribus ignorantibus horrifico ac funesto.

Postquam autem & hydriæ singulorum, ad Gedeonis exemplum, sub unum temporis articulum, toto castrorum ambitu confringi sunt cæptæ: tum enim verò, tenebris horrorem densantibus, Madianitæ,



niræ, ruere castra simul ac tabernacula, cum machinis unâ, cumque quadrigis, & utensilibus, & apparatu belli cuncto suspicati, trepidatione fatiscabant. Mox in lugubrem ululatum, ac fugam effusi, portâ, quâ cuique visum esset, proximâ, sese castris eiiciunt. In ipsa multitudine festinantium, inter se compressi, ad certamen tandem, & arma versi, quæ debuerant in Hebræos, hæc in seipsos tela, vulneraque, Numinis impulsu, densant: alternaque se cæde, medijs adhuc in castris, conficere non cunctantur. Qui fugâ evaserant, incidunt in manus eorum, qui nuper à Gedeone missionem acceperant; nam & canes timidi fugientibus instant; & Gedeon cum suis, hostium obviis instructus armis, fugientium cædere dorsa caput ac persequi. Ita factum, ut quidquid obviis esset Madianitarum, contrucidaretur. Inter quos fuerunt *Orebus* & *Zebus*; quorum alter in petra latitans: alter in torculari deprehensus, sine mora, clementiâque jugulati; *Zebeam* quoque & *Salmanasarem* devia petentes, Gedeon affecutus, fratrum suorum, præteritis annis, intra Thaboris montis latibula se tenentium, interfectores, præcisus latronum suo gladio cervicibus, & publico satisfacit, & privato dolori nemine suorum amisso nemine hostium servato.

Tam immensa nimirum strage contuderunt  
 Orientis opes, trecentæ confractæ  
 testæ.



NAR.